

UNIVERZITET U TUZLI
Ul. Dr. Tihomila Markovića br. 1
Broj: 01-211-JN-9/24
Tuzla, 29.11.2024. godine

Na osnovu člana 70. stav (1) i stav (3) Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r) Statuta JU Univerziteta u Tuzli broj: 03-5695-1-2/23 od 18.10.2023. godine, a nakon razmatranja Zapisnika Komisije o pregledu i ocjeni ponuda broj: 01-211-JN-8/24 od 27.11.2024. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine, Direktor za ekonomske poslove, donio je

O D L U K U **O IZBORU NAJPOVOLJNIJEG PONUĐAČA**

I

U postupku javne nabavke usluga aviotransporta (nabavka avio karti) za potrebe Univerziteta u Tuzli u 2025. godini, provedenom putem Konkurentskog zahtjeva za dostavu ponuda broj: 01-211-JN-2/24 od 24.10.2024. godine, izabran je ponuđač «Ventura Travel Agency» d.o.o. Travnik te se istom dodjeljuje okvirni sporazum.

II

Ponuda broj: 20240411-1-vta/24 od 04.11.2024. godine, ponuđača iz tačke I ove Odluke odabrana je iz razloga što u svemu zadovoljava uslove propisane u Konkurentskom zahtjevu za dostavu ponuda i zato što je po svim svojim elementima, uključujući i ponudenu cijenu, prihvatljiva za Univerzitet.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH koji su definisani tačkom 3.2 tenderske dokumentacije.

IV

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

V

Ova Odluka stupa na snagu sa danom donošenja i za njeno sprovođenje se zadužuje Odjeljenje javnih nabavki i investicija.

O b r a z l o ž e n j e

Univerzitet u Tuzli je pokrenuo postupak javne nabavke za izbor najpovoljnijeg ponuđača za pružanje usluga aviotransporta (nabavka avio karti) za potrebe Univerziteta u Tuzli u 2025. godini putem Konkurentskog zahtjeva za dostavu ponuda broj: 01-211-JN-2/24 od 24.10.2024. godine objavljenom obavještenja dana 01.11.2024. godine na Portalu javnih nabavki «E – nabavke» broj: 795-7-2-147-3-145/24, sažetka obavještenja u «Službenom glasniku BiH» broj: 76/24 od 08.11.2024. godine i WEB stranici Univerziteta. U ostavljenom roku ponudu su dostavila dva ponuđača: «Ventura Travel Agency» d.o.o. Travnik i «City Travel» d.o.o. Sarajevo.

Nakon javnog otvaranja ponuda Komisija za javne nabavke izvršila je detaljan pregled dostavljenih ponuda te utvrdila da ponuđač „City Travel“ d.o.o. Sarajevo nije dostavio na propisan način u svojoj ponudi dokaz zahtijevan pod tačkom 3.3. alineja 1) tenderske dokumentacije. Ponuđač je u sastavu svoje ponude na stranama od 14 do 19. dostavio kopiju Rješenja o izmjenama podataka broj: 065-0-Reg-16-000395 od 21.03.2016. godine izdato od strane Općinskog suda u Sarajevu iz kojeg dokumenta se izvodi zaključak da je u sudski registar tog suda uspisan subjekt «CITY TRAVEL» d.o.o. Sarajevo. Ugovorni organ je zahtijevao pod tačkom 3.3. alineja 1) da su ponuđači u svrhu dokaza o ispunjavanju uslova iz člana 46. Zakona dužni dostaviti Rješenje o upisu u sudski registar/Aktuelni izvod iz sudskog registra ili izjavu/potvrdu nadležnog organa kojom se dokazuje pravo ponuđača da obavlja profesionalnu djealnost koja je predmet ove nabavke **(dokaz se dostavlja kao ovjerena**

kopija originala od strane nadležnog organa sud/općina/notar). Dakle, ponuđač nije dostavio zahtjevani dokaz na jasno propisan način pod tačkom 3.3. alineja 1) tenderske dokumentacije i to kao ovjerenu kopiju originala od strane nadležnog organa (sud/općina/notar) već je isti dostavio u običnoj kopiji.

Nadalje, navedeni ponuđač nije dostavio svoju ponudu na način propisan pod tačkom 4.2. alineja 4) tenderske dokumentacije, a koji glasi *“Ponuda treba biti otkucana ili napisana neizbrisivom tintom . Ponuda se se čvrsto uvezuje na način da se onemogući naknadno vađenje ili umetanje listova i to tako da ista mora biti uvezana jamstvenikom ili ukoričena u knjigu.”* Ponuđač nije uvezao svoju ponudu na jasno propisani način pod tačkom 4.2. alineja 4) TD već je istu priheftao pomoću klamerica.

Shodno svemu navedenom Komisija je ocijenila da je ponuda ponuđača “City Travel” d.o.o. Sarajevo nepravilna iz razloga jer nije u skladu sa tenderskom dokumentacijom zbog čega nije išla u dalju proceduru.

Daljom analizom ponuda utvrđeno je da je ponuđač “Ventura Travel Agency” d.o.o. Travnik dostavio sve dokaze zahtijevane tenderskom dokumentacijom zbog čega je ocijenjen kvalifikovanim za dobro obavljanje posla a njegova ponuda je prihvatljiva.

Budući da ponuda ponuđača “Ventura Travel Agency” d.o.o. Travnik ispunjava sve uslove postavljene Tenderskom dokumentacijom i da je prihvatljiva to je Komisija dala preporuku Direktor za ekonomske poslove da istu odabere i sa odabranim ponuđačem zaključi okvirni sporazum za 2025. godinu za nabavku usluga aviotransporta (nabavka avio karti).


Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Direktor za ekonomske poslove Univerziteta prihvatio je preporuku Komisije i odlučio kao u dispozitivu ove Odluke.

Okvirni sporazum će se zaključiti u iznosu procjenjene vrijednosti nabavke 30.000,00 KM bez PDV-a, a usluge će se izvršavati prema potrebama ugovornog organa u skladu sa jediničnim cijenama iz Ponude.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 5 (pet) dana računajući od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:
01-211-JN-8/24 od 27.11.2024. godine

DOSTAVITI:
1x učesnicima
1x a/a



DIREKTOR
EKONOMSKE POSLOVE

Osman Osmanbegovic, dipl.oec.